




MOLETLO WA DIKALOGO TSA ECD O KETEKI BARUTABANA



Re ne re le motlotlo go dirisana le Early Care Foundation le Lefapha la Thuto ya Motheo kwa Brits go tlota le go keteki barutabana ka moletlo o o kgethegileng wa go aloga, go amogela tiro ya bone e e bokete le boineelo.

Ka nako ya moletlo, barutabana ba amogetse borutegi jwa bone jwa Maemo a NQF 4 mme gape ba ne ba fiwa didiriswa tsa phaposiborutelo go tshegetsa tiro ya bone e e tswelletseng le bana.

Lenaneo leno le ne la tlhomiwa go nonotsha boleng jwa thuto kwa ditheong tsa ECD ka go tshegetsa tlhabololo ya barutabana le go thusa ditheo go fitlhelela ditlhokego tse di kwa tlase tsa go ikobela melao. Kwa bokhutlong, maikaelelo ke go tokafatsa phitlhelelo ya thuto ya boleng jo bo kwa godimo ya tlhabololo ya bongwana le ditirelo tsa bana, go ba naya tshimologo e e gaisang mo botshelong.



GO GODISA DI SMME TSA SELEGAE

Dikgwebo di le tlhano tsa selegae tsa SMME go tswa mo baaging ba Mmadamo bosheng jaana di amogetse madi a go simolola le a dithuso ka letsholo la rona le le itsegeng thata la Tlhabololo ya Dikgwebo, go thusa mo kgolong ya tsona. Thuso eno ya madi e diretswe go thusa dikgwebopotlana gore di nonofe, di dire ka tsela e e nang le matswela, le go tsaya dikgato tse di tla dirang gore di nne di nonofile ka lobaka lo loleele, mme gape e thusa mo kgodisong ya ikonomi ya selegae.

"Re motlotlo go tshegetsa le go maatlafatsa dikgwebo tsa selegae kwa Damonsville, Mmakau, le Mothotlung kwa Porofenseng ya Bokone Bophirima go aga dikgwebo tse di tswelelang le go fitlhelela maikaelelo a tsona a kgwebo. Ka go dirisa madi a go simolola le matlole a dithuso, re kgona go tsibogela ka tlhamalalo ditlhokego tse di rileng tsa kgwebo nngwe le nngwe."- Qinisani Siveshe, Motsamaisi wa Tlhabololo ya Loago wa De Wildt Solar.

Ka thuso eno, dikgwebo tse tlhano tse di neng di thusiwa di ne tsa kgona go beeletsa mo dilong tse di bothokwa le didiriswa, di nonotsha ditiro tsa tsone le go di baya mo maemong a a siameng gore di tswelele pele di gola le go atlega.

